

TARDE – PISTOIESE = 1 A 1 ... 'NA SQUADRE SENZA PAL...(ME)

L'ha mann't Aldo "Diecipalazzine"
lunedì 06 aprile 2009

Uagnù! V’arrècurdate doje sùmane pàssate quanne v’hagghje cùtate ‘u fatte dell’amiche mije ca nonge avev’accàttate ‘u bigliette all’otre amiche? Beh! Sapite ce ccose ha successe a meje stàvotte? Allore… sciurnàte de feste… mange scàppanne e fuscènne, ca tutte te uardéne brutte piccè a scè o’ cambe pure osce… Arrive o cambe déce mènute prime d’a partite. ‘U steward vede ‘u bigliette mije… u vote e ‘u ggire e face: Ma quiste jè ‘u bigliette de Tarde – Perugia! Com’èèèèèèèèèè? Fazze ije! Ca ajere l’hagghje accàttate! Quidde face: Nah! Stè scritte suse: Tarde – Perugia. Madòòòòòòò, ind’u cassetta d’a cucine stave ‘nu bigliette vecchje apprissime a quidde d’osce. P’a frette m’avéve mise ‘mpote quidde sbagliate. Allora me mètte a fuscére (menumale ca voche in palèstre) mmijnze ‘a campagne pe scè pigghjà ‘a machéne… mette mmote e me fazze andate e retorne fa ca eve Schumacher… alle tréte e ddiéce stave ggià ‘o cambe… tutte scuagghjate de sedore.

‘U Tarde ha fatte sckife brutte… ’na squadre senza pal.. (me) viste ca osce eve ‘a feste delle Palme. Avime acchiàte ‘nu gol grazie a CARROZZA ca s’ha carèsciate ‘a palle ‘nnanze e l’ha date a SOSA ca l’ha menàte mmocche a DA SILVA (quidde arvùlone) ca ha riuscite a menarla ‘mborte senza purtière. O cambe stavéne quattre jatte. ‘A curva nord eve ‘nu murtorje piccè l’ultrà ste facèvene ‘u sciopére d’u tife. Uagnù stave ‘na segnalinee feméne… Ha state brave, piccè eve abitate a mantenè… ’a linee… ehehe… Onèste e pure ca sbagliave nonge t’avèneve de fesckà piccè eve bunarèdde. Accussi n’a scùndamme cu quidd’otre ca eve maschéle… maschéle mo… ehehehe. ‘U purtière BARASSO ca nonge sciùcave da nu sbuènne de timbe piccè jè ‘na pizze arrènnute, ha pàrate ‘nu règore e accussi n’avime sciute ind’alle spogliatoje cu l’une a zzére. Po n’avime càpite cchiù nijnde… Parèvene ‘na squadre de femmenòdde. Ca manghe se po dicére cchiù accussi, piccè stonne le uagnèdde d’u CRAS ca a quiste quattre senzapalle delle sciùcature nuestre nonge le pènzene proprie. A me, de le uagnèdde d’a pallacanèstre me piace assaje MEGAN MAHONEY… onèste… bella mejeeee… cindottandatréte centimetre de carna fresche… bella meje… longa longa. Bah sciame nnanze!… Nòne nnanze a Megan… ce ccose avite capite? Ehehehe! Accussi o seconde timbe avime pigghjate ‘u gol piccè PASTORE (ca s’avéve sciucate ‘u parègge alla SNAI… ehehehe) ha riàlate ‘u pallòne a nu sciùcatore d’a Pistoiese ca se chiamo ARTISTICO, ca ha fatte ‘nu gol… d’autore. Accussi ‘u Tarde ha assùte da ‘u cambe sotto alle fiske. Tenime ‘na squadre de cughjùne e osce n’avime sciucate ‘na brutta carte piccè mo tenime doje partite fore de case... mamma mammaaaaaaaaa ce n’adda aiutàààààààà!…